

兵部則例



兵部則例

車駕清吏司

馬政

一八旗牧馬原定八旗及內府三旗
佐領額
設馬駝每年由部酌定留京并出場各數
繕摺
奏

聞并開列八旗副都統職名每翼各

簡用二人於立夏後四日率領官兵陸續趕赴口外
牧場擇水草豐茂之處加意牧放若照管不周
致有闕少著落副都統以下各官賠補其實係



殘廢倒斃者馬扣存三月錢糧駝扣存四月錢糧買補如價有不敷準於公用銀內動支至出場官兵均聽副都統管轄在場馬駝亦聽副都統分撥官兵牧放進口日期統於八九月間該副都統豫行報部○又定八旗出場馬駝口內每站各給空草一束回日進口每站仍各給空草一束均由部移咨戶部委司官一人監給○康熙二十六年議準八旗出場馬駝沿途不加管束踐食田禾者兵鞭八十專管官罰俸九月兼管官罰俸六月副都統罰俸三月領催鞭六

十。出口並不在場牧放致有縱逸侵擾者兵鞭一百。專管官罰俸一年。兼管官罰俸九月。副都統罰俸六月。領催鞭八十。照馬駝侵擾之數賠償地主。至兵強令他人代為牧放及勒索酒食擾累生事者交刑部治罪。專管官降一級調用。兼管官罰俸一年。副都統罰俸九月。領催鞭一百草退。○雍正三年議準八旗馬駝前往牧場該叅領官員及驍騎校等果加意牧放無有損傷令出牧之副都統點驗如一叅領下馬駝較勝別叅領者將該叅領下各官及驍騎校各紀

錄一次。如一旗馬駝肥壯無有損傷。該叅領紀錄二次。各官及驍騎校各紀錄一次。○又奏準。八旗出場馬駝。所有在場各官。遇切近喪事。該副都統即令回京。有患病者。副都統驗實。亦令回京。均移咨該旗補人前往。至以婚嫁之事。告假者。準給一月之限。行咨該旗。於事竣。催令前往。若馬駝於一月二十日之間。將次進口。其回京之人。均不必赴場。若告假各官。逾限不赴場者。罰俸一年。副都統不察明給假者。罰俸六月。○又奏準。八旗各官。奉委出場牧放。若逗留

觀望。不即前往。及到場潛回者。皆革職。○十三年。議準。八旗馬駝。於出場之時。各造具毛齒清冊。送部存案。俟回京日。按冊點驗。印烙。統轄副都統。以該翼之馬駝覈算。兼管官以兼管之馬駝覈算。專管官以專管之馬駝覈算。如十分之內。疲瘦各不及三分者。免議。若疲瘦至三分者。官罰俸九月。兵鞭五十。四分以上者。官罰俸一年。兵鞭六十。五分以上者。官降一級留任。兵鞭七十。六分以上者。官降二級留任。兵鞭八十。七分。以上者。官降三級調用。兵鞭九十。以上疲瘦

分數均就副都統兼管官專管官各名下詳細分別。不準將在场馬駝通融攤算。如官兵希免議處。將馬駝彼此頂換。使疲瘦皆不至三分。係官降三級調用。兵鞭八十。兼管官降一級留任。副都統罰俸一年。○乾隆五年奏準。八旗出場馬駝。進口日期不必拘定。八月九月。令兩翼副都統等視天時冷暖。及草枯遲早。公同酌定。豫行報部。○十七年奏準。八旗出場馬駝。令兩翼副都統等加意牧放。俟水草乾枯。應進京時。一面奏

聞。一面將馬駝陸續趕赴進口。

一各省牧馬。乾隆元年議準。陝西甘州提標涼州西寧肅州三鎮標。各設馬場一處。每場牝牡馬千二百匹。以游擊一人為總統。每場分為五羣。每羣牡馬二百匹。牝馬四十匹。以千把一人為牧長。外委千把一人為牧副。兵十名為牧人。三年均齊一次。屆期由總督委官逐場察驗。叙明賞罰具題。仍將各場原牧及孳生馬數。及應賞應罰之處。并各場官兵姓名。詳造一冊。咨部察覈。牧馬兵丁。每月給銀三錢。於司庫扣貯提

鎮建曠項下動支報明戶部需用鍋帳於存營
項下撥給所牧馬匹不論牝牡每三匹取孳生
馬一匹三年內一羣之馬多孳生一匹以上者
為三等賞千把總加一級外委紀錄二次兵每
名賞銀一兩多孳生八十匹以上者為二等賞
千把總加二級外委加一級兵每名賞銀二兩
多孳生百六十匹以上者為一等賞千把總外
委均以應升之官即用兵每名賞銀三兩所賞
銀亦於建曠項下動支報明戶部如少孳生二
十匹以下者為三等罰千把罰馬五匹外委及

兵各責四十少孳生四十匹以下者為二等罰
千把罰馬七匹外委及兵各責五十少孳生八
十匹以下者為一等罰千把罰馬九匹外委及
兵各責六十如於原牧數內闕少者千把草職
罰馬十有八匹外委草去頂帶仍各責八十兵
責八十所罰之馬歸入馬羣覈算其提鎮游擊
統計五羣以為賞罰五羣得賞之游擊加二級
提鎮加一級四羣得賞一羣得罰之游擊加一
級提鎮紀錄二次三羣得賞二羣得罰之游擊
提鎮毋庸議賞議罰三羣得罰二羣得賞之游

擊降一級留任。提鎮罰俸六月。四羣得罰一羣得賞之游擊降一級調用。提鎮罰俸一年。五羣全罰之游擊革職。提鎮降一級調用。若於原牧數內闕少者。除將千把罰出馬數補入外。餘著落游擊提鎮各半分賠。○四年議準。江南地方潮濕。夏秋之際。馬匹拴繫在槽。熱氣薰蒸。易致疲瘦。必得閒空之地。以飼水草。今江寧駐防八旗督標中左。安徽撫標左右。提標中左右前後。安慶游兵。潛山。徽州。寧國。蕪采。廣德。廬州。泗州。江寧城守左右。松江。劉河。金山。柘林。青邨。泰興。

京口八旗。京口協左。漕標中左右。廟灣。鹽城。小關。海州。淮安城守。東海。河標中左。以上各營均係舊有牧地。不必別設。只須再為勘定界址。毋令越占。其奇兵。瓜洲。青山。溧陽。池州。蘇州城守。右南匯。黃浦。平望。江陰。靖江。楊舍。孟河。掘港。三江。京口水師。佃湖。蕭營。以上各營。實在騎操馬。均在四十匹以下。或在槽餵養。或就近牧放。毋庸設立場地。又蘇州撫標左右。福山。常州。揚州。河標右等營。馬匹雖在四十匹以上。或該處並無曠土。或分汛差撥。難以聚牧。應毋庸設立場。

地。其浦口。六安。亳州。壽春鎮標中左右。蘇州城
守中左。川沙。吳淞。太湖左右。鎮江。崇明鎮標中
左右。并奇營。狼山鎮標中左右。京口。隨旗左右。
京口。協右。泰州。以上各營。實在騎操馬均在四
十匹以上。向無牧場。均應擇地設立。內中浦口。
崇明鎮標中左右。并奇營。係夏秋半支料乾之
營。應酌量每馬一匹。給草地一畝。以供芻秣。其
餘均係長年全支料乾之營。原無藉放青。不過
於夏秋酷暑時。使其安閒散適。應酌量五馬給
草地一畝。其所需之地。均準於各營官基內撥

給。如無官基。即擇民地。於朋扣銀內按價買給。
豁免租糧。其肯賣與否。聽從民便。飭令地方官
毋得短價抑勒。仍將所撥官基。并擇買民地畝
數。及豁免租糧。造冊報戶部。至舊有新設牧地。
均令四圍栽柳編籬。只留一門出入。或四圍掘
溝。令兵看守。仍四圍豎立限碑。倘兵丁牧放越
界。踐食田禾。不論多寡。旗軍鞭一百。營兵責四
十。若踐食過多。應依毀伐稼穡者計贓。準竊盜
律。分別治罪。仍草伍所食田禾。追賠給主。該管
旗營各官。失於覺察者。罰俸六月。如不能禁飭。

以致兵丁馬匹越界踐食田禾者降一級調用。倘有心縱容該管旗營各官草職。至江蘇等屬。有牧馬草場。同地租。及省衛項下羣牧田畝。名色。見屬民業。非係牧地者。仍遵照舊例辦賦。各營不得倚占。○十三年議準。甘州提標。涼州西寧。肅州三鎮標。各設駝場一處。每處牝牡駝二百為一羣。每羣以千把總一人為牧長。外委千把總一人為牧副。兵九名為牧人。仍委守備一人督率經理。以五年均齊一次。牧駝兵丁。每月給鞵鞋銀三錢。準於司庫建曠項下動支。報明。

戶部所需鍋帳。準於存營項下撥給。千把總外委兵丁。因邊地游牧。較內地不同。五年均齊為期久遠。應酌定議賞。以示鼓勵。每牡駝百於五年內孳生四十者。毋庸議賞。於額數之外。多孳生一駝至十駝者。為三等賞。千把總紀錄二次。外委紀錄一次。兵每名賞銀一兩。多孳生十一駝至二十駝者。為二等賞。千把總紀錄三次。外委紀錄二次。兵每名賞銀二兩。多孳生二十一駝以上者。為一等賞。千把總加一級。紀錄一次。外委加一級。兵每名賞銀三兩。所賞銀由總督於均

齊之年酌動何項於疏內聲明覈給每牝牡駝百於五年內倒斃二十駝者毋庸議罰若倒斃逾二十駝之額不論多寡總以續得孳生抵補其餘再計孳生如少孳生一駝以上者為三等罰千把總罰俸六月外委及兵各責四十少孳生十一駝以上者為二等罰千把總罰俸九月外委及兵各責五十少孳生二十一駝以上者為一等罰千把總罰俸一年外委兵丁各責六十至經理守備如千把總外委得一等賞者準其紀錄三次得二等賞者紀錄二次得三等賞

者紀錄一次如千把總外委得一等罰者經理守備罰俸一年得二等罰者罰俸九月得三等罰者罰俸六月每屆五年均齊之期由總督委官前赴各處牧場印烙將數目及牧放官兵姓名分晰造冊叙明賞罰具題至孳生牡駝於五年均齊之後照例配搭孳生其餘牡駝驢割別牧以備撥用再孳生駝內如有老弱不孳生者準其據實呈驗變價所有空闕在於孳生駝內頂補仍算入孳生之數以定功過
一直省營馬順治年間定各省營馬闕額該督

撫提鎮或就近買補或報部撥給○六年題準
官員騎坐馬皆係自備名曰例馬每月照數支
領草料提督準例馬十有五匹總兵官十有二
匹副將八匹叅將游擊均六匹都司守備均四
匹千總把總均二匹至兵丁騎操馬酌量各營
情形或馬步各半或馬四步六或馬三步七或
馬二步八或馬一步九或不設馬皆於奏銷案
內照各營實在數目開造報部察覈知照戶部
銷算草料○八年題準副將以下把總以上每
月於應支銀內扣二錢馬兵扣一錢步兵扣五

分守兵扣三分名曰朋扣存貯營中以備買馬
之用若有餘剩由部覈明於奏銷本內題交戶
部充餉○又題準營馬對敵及追盜賊損失者
免其賠補走脫被竊失者著落本人賠補若倒
斃者每馬以十兩為額令其賠補名曰賠椿每
年遞減一兩至十年者免其賠椿準動支朋扣
銀購買○十六年題準官員例馬提督準二十
匹總兵官十有六匹副將十有二匹叅將八匹
游擊以下仍各照舊數○又覆準將軍督撫提
鎮買營馬者將應買數目報部副將以下買營

馬者呈明該管之督撫提鎮報部○康熙三年議準江南江西福建浙江湖北湖南四川廣東廣西雲南貴州等省營馬以三年賠椿過三年者免直隸山東山西河南西安甘肅以五年賠椿過五年者免○四年題準三年賠椿之省一年倒斃本兵賠銀七兩合隊二兩本管官一兩二年倒斃本兵賠銀六兩五錢合隊一兩七錢本管官八錢三年倒斃本兵賠銀六兩合隊一兩四錢本管官六錢三年以後免其賠椿動支朋扣銀買補五年賠椿之省一年倒斃本兵賠

銀七兩合隊二兩本管官一兩二年倒斃本兵賠銀六兩五錢合隊一兩七錢本管官八錢三年倒斃本兵賠銀六兩合隊一兩四錢本管官六錢四年倒斃本兵賠銀五兩五錢合隊一兩六錢五年倒斃本兵賠銀五兩合隊七錢本管官三錢五年以後免其賠椿動支朋扣銀買補○又題準廣東地方潮熱馬易倒斃賠椿準照十兩減半一年倒斃賠銀五兩二年倒斃賠銀四兩五錢三年倒斃賠銀四兩三年以後免其賠椿○五年題準廣西地方瘴濕馬易

倒斃賠椿照廣東之例○又題準營馬倒斃如符年限者準用朋扣銀買補若年限不符除照例賠椿外亦準用朋扣銀買補其價直隸每匹九兩山東十兩山西八兩河南八兩五錢江南十有三兩九錢七分江西十有六兩八錢二分四釐福建二十二兩浙江十有六兩湖北湖南十有五兩西安八兩廣東二十一兩九錢廣西二十兩雲南二十一兩八錢貴州二十兩二錢二分有奇甘肅四川除貢馬抵補外其不敷之馬甘肅每匹給價八兩四

川每匹給價十有二兩○十一年題準官兵不扣朋銀者該管官罰俸一年提督罰俸六月無提督之省總兵官罰俸六月○又題準直省營馬朋椿奏銷有總督之省由總督題報無總督之省由巡撫題報在京巡捕營由該叅將呈報本部察覈奏銷○又題準將軍督撫提鎮標下各官請買例馬者不得過四百匹○十六年題準營馬倒斃不報照常支領草料將該管官議處○二十四年題準山西河南湖北湖南西安四川等省營馬闕額開數報部移咨甘肅巡撫

將招中茶馬撥給毋庸動支朋扣銀

招中茶馬舊於甘肅

設洮岷河州西寧莊浪甘州五茶馬司及開城安定廣寧黑水清平萬安武安七監歲遣御史

兼理人經理康熙七年歸甘肅巡撫 ○三十七年

覆準四川營馬倒斃停其牽領茶馬準用朋扣

銀買補 ○四十四年覆準山西河南湖北湖南

西安營馬倒斃原係朋扣銀買補於康熙二十

四年令牽領茶馬補額見今招中茶馬已經議

停所有各該省營馬倒斃仍準用朋扣銀買補

○四十五年覆準直省營馬倒斃遞年加增必

致朋扣不敷買補嗣後如倒斃過多實有冒銷

情弊該督撫提鎮即行題參 ○四十七年題準

營馬倒斃該管官驗明耳尾將倒斃日期出結

詳報督撫提鎮一面動朋扣銀買補仍將新馬

價值毛齒領騎兵丁姓名按季造冊報部仍於

歲底奏銷由部察覈題覆 ○五十五年議準營

馬朋椿等冊按季造報繁冗擾累甚屬無益嗣

後統於一年奏銷案內造報一次 ○雍正元年

題準江南江西福建浙江湖北湖南四川雲南

貴州等省營馬騎過三年倒斃者免其賠椿廣

東廣西二省減半賠椿騎過三年倒斃者亦免

賠椿直隸山東山西河南西安甘肅等省營馬
騎過五年倒斃者免其賠椿均準動支朋扣銀
買補○七年覆準官兵朋扣銀有經督撫提鎮
題奏撥修船及軍裝器械并賞號公務差遣等
事之用者均入於奏銷案內由部察照準其開
銷○又覆準山西河南西安甘肅四省營馬開
報倒斃不得過十分之三○十一年議準直隸
山西河南西安甘肅馬價在十兩之內山東亦
僅十兩均未便以十兩賠椿應以七兩為額如
騎一年倒斃賠椿七兩二年倒斃賠椿六兩以

下按年遞減若騎過年限免其賠椿準動支朋
扣銀買補○又覆準福建營馬五千七百七十
一匹每年準開報倒斃九百三十五匹○十二
年議準營馬除口外差遣及在軍前倒斃者皮
臟免其變價外江南督標每匹變價一兩五錢
提標一兩安徽撫標一兩二錢蘇松撫標九錢
二分有奇湖北湖南一兩其餘直省均五錢發
給馬價時將皮臟變價扣除於奏銷冊造報察
覈○又議準買補營馬遵照定價發給不得短
少分釐所買之馬果係臆壯方準收營如有扣

尅擾累該管官草職計贓治罪若任兵丁以不堪用之馬充數者該管官降三級調用○又議準四川營馬照驛馬之例給價八兩○又覆準廣東營馬五千二百六十六匹每年準開報倒斃九百二十一匹○又奏準福建廣東營馬開報倒斃每年各有定數山西河南西安甘肅每年不過十分之三○至直隸山東江南江西浙江湖北湖南四川雲南貴州開報倒斃數無一定嗣後均不得過十分之三○額外浮開者減去不準開銷○又議準四川營馬既將原價減去四

兩照驛馬給以八兩所有賠椿銀應照直隸等省之例以七兩為額按年遞減○乾隆元年議準武職大小官給有親丁名糧以為養廉此內有馬糧者若令其備馬則養廉不霑實惠遇草料昂貴且多賠墊公用反致拮据嗣後親丁之馬毋庸實備止支領草料以補用度之所不足但此馬原係營中額數竟不籌及一旦調遣需用難免闕乏應令各官弁照本身應得親丁馬若干匹備價存營俟有需用之時再行購買○二年議準親丁之馬既備價存營則官弁並無

實馬餵養嗣後開報倒斃止將兵丁見有之馬按額開銷如以存價溷入實在營馬額內捏報倒斃者降一級調用若存價已經買馬準其照例開報倒斃○九年議準外委千總把總原領之馬即供騎操原未令其存價遇有倒斃統入營馬數內開報倒斃動支朋扣銀購買○十五年覆準廣東馬價因營中公費不敷每匹扣存三兩補公費之所不足應即照扣存之數嗣後將原價減去三兩以十八兩九錢作為定價報銷至公費別籌酌增○又奏準廣西馬價每匹

減去三兩以十七兩報銷○是年奏銷營馬直隸九千六百六十八匹山東三千三百七十七匹山西五千二百五十五匹河南二千百有一匹江南五千六百三十八匹江西千三百八十九匹福建四千九百八十三匹浙江三千六百三十四匹湖廣四千四百三十八匹陝西四萬五千二百九十八匹四川五千五百九十九匹廣東五千二百六十七匹廣西千五百十有一匹雲南五千六百二十五匹貴州三千八百十有一匹○十六年

諭。滇省各營騎操馬匹。定例三年以外。準報倒十分之三。其額外溢倒之馬。從前該督提等。皆於朋扣等項內通融買補。並未著賠。嗣據該督察出奏聞。仍請從寬免其賠椿。經軍機大臣等議。令照例按數賠補。但念邊方水土。餒養馬匹。與他處情形不同。自來通融籌辦。相沿已久。今若復令賠椿。兵丁未免拮据。嗣後滇省馬匹。除額定十分倒三。按例分別年限著賠外。其溢額倒斃馬匹。著加恩免其賠補。椿銀仍照從前通融辦理。以示軫卹。兵艱之意。若兵弁等因有此旨。或致餒養失宜。溢倒過多。

者。該督提等嚴行叅處。欽此。

一馬禁。順治五年定。見任文武官及兵丁。準其養馬。其餘人等。不許養馬。○七年議準。蒙古馬來京。不許商販私買。違者治罪。○十二年議準。蒙古馬來京。如有商販私買者。旗人責成該管官。民人責成五城司坊官。嚴行察緝。○又議準。蒙古進貢馬駝之外。有多帶願於途間賣者。聽。若有通曉蒙古語言之人。前往邊界。與蒙古交結。并遠相迎接。買其馬駝者。交刑部治罪。所買馬駝入官。

守口官私放此等人出口者。草職。至蒙古到館之後。未進。

貢之先。有入館私買。

貢馬。

貢駝者。係官降一級。罰俸一年。常人鞭一百。如有搶奪偷盜者。無論官民。皆交刑部治罪。○十五年題準。文武官。武進士。武舉。兵丁。捕役等。準養馬。以備乘騎。均令印烙。○十六年題準。民人聽其養馬。毋庸察禁。○康熙元年題準。除滿洲蒙古漢軍及漢文武官。武進士。武舉。兵丁。捕役外。

其民人違禁養馬者。仍照例治罪。○三年題準。民人違禁養馬者。責四十板。失察該管官。罰俸一年。○又覆準。官員解送軍前馬匹。沿途應加謹餽養。不許漫不經心。以致疲瘦。若疲瘦三匹以下者。免議。十匹以下者。罰俸三月。二十匹以下者。罰俸六月。三十匹以下者。罰俸九月。四十匹以下者。罰俸一年。五十匹以下者。降一級。留任。六十匹以下者。降一級。調用。六十匹以上者。草職。○又題準。軍需馬匹。有交與州縣餽養者。若有疲瘦。照解送軍前馬匹例。計數議處。○十

年題準。民人仍準養馬。毋庸察禁。○十二年題準。民人養馬。仍行禁止。○又議準。在京旗人私往外省販馬。係正戶。將該佐領。驍騎校。罰俸一年。領催。鞭五十。係僕人。其主有官者。罰俸一年。常人鞭一百。該管佐領等。免議。於馬販名下。追銀十兩。給拏首之人。仍交部治罪。至在外駐防各官。不呈請該將軍都統等。移咨本部。私遣家人來京買馬者。罰俸一年。○十五年題準。大小官弁。將自畜馬匹。勒令行伍收買。多取價值者。照貪官例。革職提問。○又題準。親王出征。準帶

入八分兮
是字記

五五二

馬四百匹。郡王三百匹。貝勒二百匹。貝子百五
十匹。鎮國公百匹。輔國公八十匹。奉入八分鎮
國公六十匹。將軍八十匹。副將

軍七十匹。護軍統領。前鋒統領。副都統。各六十
匹。署護軍統領。署前鋒統領。署副都統。各四十
匹。前鋒叅領。護軍叅領。驍騎叅領。署護軍叅領。
署驍騎叅領。一等待衛。護衛。各三十五匹。散秩
官。前鋒侍衛。二等待衛。護衛。各二十五匹。委署
官。三等待衛。護衛。各十有八匹。護軍校。驍騎校。
各十有二匹。署護軍校。署驍騎校。各八匹。護軍。

年題準。民人仍準養馬。毋庸察禁。○十二年題準。民人養馬。仍行禁止。○又議準。在京旗人私往外省販馬。係正戶。將該佐領。驍騎校。罰俸一年。領催。鞭五十。係僕人。其主有官者。罰俸一年。常人鞭一百。該管佐領等免議。於馬販名下追銀十兩。給拏首之人。仍交部治罪。至在外駐防各官。不呈請該將軍都統等移咨本部。私遣家人來京買馬者。罰俸一年。○十五年題準。大小官弁。將自畜馬匹。勒令行伍收買。多取價值者。照貪官例革職提問。○又題準。親王出征。準帶

馬四百匹。郡王三百匹。貝勒二百匹。貝子百五
十匹。鎮國公百匹。輔國公八十匹。奉入八分鎮
國公七十匹。輔國公六十匹。將軍八十匹。副將
軍七十匹。護軍統領。前鋒統領。副都統。各六十
匹。署護軍統領。署前鋒統領。署副都統。各四十
匹。前鋒叅領。護軍叅領。驍騎叅領。署護軍叅領。
署驍騎叅領。一等待衛。護衛。各三十五匹。散秩
官。前鋒侍衛。二等待衛。護衛。各二十五匹。委署
官。三等待衛。護衛。各十有八匹。護軍校。驍騎校。
各十有二匹。署護軍校。署驍騎校。各八匹。護軍。

領催各六匹。驍騎各四匹。內閣學士。與副都統同。侍讀學士。與叅領同。侍讀。與散秩官同。筆帖式。與驍騎校同。多帶者不準。○又題準。督撫提鎮。差遣官役買馬。若於票外多買。及攜帶商販私買者。許經過地方官察拏。不察拏者。降一級留任。差遣之督撫提鎮。罰俸一年。○十六年議準。姦匪圖利。將馬在賊境接壤販賣與賊者。不論官兵民人。各照律治罪。該管官及兵。知情故縱者。以同謀論。失察者。文職州縣官。武職專汛官。均革職提問。道府及兼轄官。均降五級調用。

該管總兵官。降三級調用。督撫提督。降三級留任。若販馬之人。由本汛拏獲。文武各官均免罪。將拏獲之官議叙。十名以上者。紀錄一次。多者照數紀錄。五十名以上者。加一級。百名以上者。加二級。其不係本汛。有能盤獲。十名以下者。紀錄一次。十名以上者。加一級。二十名以上者。加二級。三十名以上者。加三級。四十名以上者。加四級。五十名以上者。不論俸滿。即升。百名以上者。越升一級。即用。拏獲販馬之人。將所獲之馬。盡行賞給。○二十九年題準。民人養馬。毋庸察禁。

○三十一年奉

旨。一應馬匹。永行禁止宰殺貨賣。交與步軍統領及五城司坊官察拏。○又覆準。偷盜八旗官兵馬者。分別匹數治罪。其牧馬之人。自行盜賣者。亦照偷馬賊治罪。至屯莊居住旗人賣馬者。令上稅準賣。民人既準養馬。彼此買賣。皆所不禁。或驛站買用。或兵民買用。令報明本處地方官上稅。準其買賣。不上稅者。照例處置。○又覆準。八旗官兵屯莊牧養之馬。被偷失主。即時報明該營汛官弁。帶領兵丁追緝。到交界地方。交與鄰境營汛

官弁。接遞追緝。獲賊官。每案紀錄一次。兵於賊名下。每匹追銀一兩。給賞。若失主呈報。該營汛官弁不即領兵追緝。鄰境不即接遞追緝者。官每案降一級。罰俸一年。兵責二十板。○又覆準。向來各省買馬。均先在部領票。經過地方文武官。驗票放行。如有姦匪。將私馬附入票內。影射行走。難於稽察。嗣後各省將軍督撫提鎮等。若須買馬。令豫先報部。本部暫停給票。聽其往各口及京城。照數購買。買到日。由部印烙。然後給票。票內注明馬數。并所往該省路徑。令經過地

方文武官將票內馬數及本部印烙驗明放行。若無本部印烙及馬比票內數多者，察拏治罪。如經過文武官不行察拏，文官交吏部議處，經過地方之專汛官罰俸一年。○又議準京城內外旗民收獲走失馬駝者，不許隱匿變賣，即日報明該管官送部，由部交館所監督餵養，仍移咨八旗并牌行五城有認領者，開明走失月日及毛色口齒，係旗人取具佐領印結，係民人取具地方官印結，由部察對毛色口齒相符，準其認領。如過一月無人認領，交館所監督變價解

交戶部。○三十二年覆準買賣馬匹者，止令買馬之人上稅，地方官計價收納。至於州縣買補驛馬，兵丁買補營馬，雖為公用，其中恐有影射，亦令照例收稅，其收過稅銀，歲底造入奏銷冊內報部察覈。○三十五年覆準直省購買營驛馬匹，除赴各口及京城者，由部印烙給票外，若赴鄰境省分就近購買，該督撫提鎮豫行移會赴買地方之督撫，地方官照例收稅，仍印烙給與照票，以憑沿途稽察。○三十九年覆準偷盜之馬經過之地方，該官弁無從知係偷盜之馬。

所有職名免其察叅該官并能拏獲偷馬賊者每案紀錄一次。拏獲之人每匹向賊追銀一兩給賞。○四十二年奏準八旗官兵因公事領騎官馬宜申明禁令加意照管不許倒斃遺失但不立定章程辦理恐難畫一嗣後領騎各該處先將官兵及佐領姓名并應領馬數造冊送部由部照冊編立印單注明給馬旗分領馬時各該處出具印領交該管官赴部親投由部察對相符給與印單照數領騎回京時領馬官兵將馬交還原給旗分如有未交還者該旗將領

馬官駝改領用

本頁
九

馬官兵及佐領姓名開明咨部由部行文各該處限兩月交還若馬有倒斃遺失逾兩月之限本頁小賠補由部叅奏將倒斃遺失馬匹之人係官罰俸一年兵鞭八十不催追之都統等及該管各官罰俸六月領催鞭五十仍著本人賠補倘再逾兩月仍不賠補將倒斃遺失之人係官降三級留任完日開復兵鞭一百都統及該管各官罰俸一年領催鞭八十仍著本人賠補其因公事領騎官駝者亦照此例行○又奏準八旗官兵因公事領騎官馬給馬旗分該佐領別

所有職名免其察叅。該官并能拏獲偷馬賊者。每案紀錄一次。拏獲之人。每匹向賊追銀一兩。給賞。○四十二年奏準。八旗官兵。因公事領騎官馬。宜申明禁令。加意照管。不許倒斃遺失。但不立定章程。辦理恐難畫一。嗣後領騎各該處。先將官兵及佐領姓名。并應領馬數。造冊送部。由部照冊編立印單。注明給馬旗分。領馬時。各該處出具印領。交該管官赴部親投。由部察對相符。給與印單。照數領騎。回京時。領馬官兵。將馬交還原給旗分。如有未交還者。該旗將領

馬官兵及佐領姓名。開明咨部。由部行文各該處。限兩月交還。若馬有倒斃遺失。逾兩月之限。尚未賠補。由部叅奏。將倒斃遺失馬匹之人。係官。官罰俸一年。兵鞭八十。不催追之都統等。及該管各官。罰俸六月。領催鞭五十。仍著本人賠補。倘再逾兩月。仍不賠補。將倒斃遺失之人。係官。降三級留任。完日開復。兵鞭一百。都統及該管各官。罰俸一年。領催鞭八十。仍著本人賠補。其因公事領騎官駝者。亦照此例行。○又奏準。八旗官兵。因公事領騎官馬。給馬旗分。該佐領別

作記號印烙於回京交還時照原印烙記號驗收若領騎之官兵欲將好馬留用詐稱倒斃遺失賠補後其原印烙記號之馬經本人認出將領騎官兵照偷馬例治罪○五十三年覆準各省販馬人等暗結將軍督撫提鎮親屬將疲瘦不堪用之馬坐索高價不肖文武官弁代為壓勒甚至無驛站之州縣并管步兵之頭領亦行勒索應令將軍督撫提鎮嚴察禁止若有此等情弊即指名題叅從重議處倘徇隱不叅經部察出或被科道察出將該將軍督撫提鎮一并

從重議處○五十四年覆準餒養軍需馬匹疲瘦五十匹以上者將府道罰俸三月百匹以上罰俸六月百五十匹以上罰俸九月二百匹以上罰俸一年二百五十匹以上降一級留任三百匹以上降一級罰俸一年○雍正三年奏準八旗兵丁所養馬駝如有疲瘦不堪用者鞭五十該佐領驍騎校罰俸三月叅領副叅領罰俸一月若並不餒養冒領錢糧者鞭一百草退冒領錢糧追繳該佐領驍騎校罰俸一年叅領副叅領罰俸六月○八年議準騾馬聽民人畜養

無容察禁。至駟馬為營驛之所必需。除八旗人等。及漢文武見任候選候補官。文武進士舉人。生員武童。準其畜養外。其餘民人。一例察禁。見在畜養之駟馬。各令變賣。近京二百里以內者。由戶部照時價收買。撥與八旗畜養。二百里以外。及各省地方。由州縣官照時價收買。以補營驛闕額。均不許假察禁之名。留難扣剋。以致擾累民人。○九年

諭。前據旗臣奏請禁止民間畜養駟馬。比時發與大學士九卿會議。準行。頃聞不許畜養駟馬。民間有不便

之處。著不必禁止。仍照舊畜養。該部即通行曉諭。並行文各省知之。欽此。○十年題準。八旗馬駝。有私賣

與人者。係官革職。兵鞭一百。革退。該管官不能察出。罰俸六月。該管都統等。罰俸三月。○十三年覆準。八旗馬駝。每年出場收放。其佐領下留京之馬。原備緊要差遣。必待本部印文。方準撥用。若官員以私事乘騎馱載者。罰俸九月。○乾隆三年覆準。八旗官兵因公事領騎馬駝。宜令大員監看。察禁弊端。嗣後於給馬駝時。該旗副都統一人前往稽察。○六年奏準。大小官員將

自畜馬匹。抑勒營伍收買。多取價值。若經營驛
據實詳揭。該督撫提鎮不題叅者。照狗庇例議
處。詳揭之營官。以應升之官即用。督撫提鎮失
察者。罰俸一年。○十二年奏準。

盛京地方。嚴禁朝鮮收買大馬。原有深意。今朝鮮
國人來京。往往私買大馬。帶回應令左右兩翼
嚴禁。不許朝鮮購買。并令山海關等口。嚴行察
拏。若通事人等。圖利代為購買。察出一并治罪。
○十四年奏準。京城八旗所需馬。全在兩翼購
買。關口官弁。遇商販人等。持有兩翼印票者。立

即放行。毋得禁阻。

國

國
子
圖
藏

